

2125

LITURGICI.

2126

DCCCLXXXII

R. 2224 Codex membraneus lat. Sec. XV. Folior. 704. f. min. per duas columnas angustas in membranis lectissimis summo nitore, nigro rubroque exaratus, literis initiorum omnibus partim auro, partim floribus, partim icunculis artificiose picturatis speciosus, optime servatus, et quondam Bibliothecae Episcopatus Neostadensis Breviarium est praevio Ca-

lendario, e quo tamen haud est dispicere, in cuius peculiaris Ecclesiae usum conscriptum fuerit. Magnus in eo Sanctorum miniatorum numerus, cuius mensi aureum Zodiaci Signum, et *ra Egea* Mortalium egregio penicillo adjecta sunt. Ita *Januario* Janus bifrons indulget epulis, *Februario* Seniculus ad focum membra fovet, *Martio* Rusticus ramos amputat &c Placita item astrologica ad menses singulos habes:

Januario: *Prima dies iani timor est et septima uani.
Nona parit bellum. sed quarta dat bora flagellum.*

Februario: *Alterius mensis post quartum tercius ensis.
Nullus ut octaue uel dene dixerit aue. &c.*

Sunt et chronica quaedam, v. g.

*Cedit yems retro cathedrato symone petro.
Extrema pasce tua decet passio marce.
Ver fugat urbanus. estatem simphorianus.
Restat in autumpno festum clementis ad usque.
Festum clementis caput est yemis orientis*

Ex ipso Breviario haec observo. In Hymnario fol. 105. Clara Affissas proprios Hymnos habet. Fol. 109. Incipit ordo breviarum secundum consuetudinem romane curie; Psalmodia enim communis per Dominicam et Ferias praecesserat. Fol. 391. Incipiunt festiuitates sanctorum. Fol. 399. In conceptione sanctissime uirginis marie nihil de praeservatione a noxa originali. Lectiones sunt de Revelatione facta Helino, Elino, Elpino Abbati Monasterii Ranusien-sis seu Ramensis in Anglia circa a.

1070. cuius etiam meminit Baro-nius in Martyrol. ad diem 8. Dec. et Oratio sic habet: *Supplicationem seruorum tuorum Deus miserator exaudi. ut qui in sanctificatione dei genitricis et uirginis marie congregamur. eius intercessionibus complacatus. a te de instantibus periculis exuamur. Fol. 655. Incipit comune sanctorum. Sequitur officium beate marie, officium in agenda mortuorum, ordo ad comunicandum, item ad inungendum infirmum, ordo commendationis anime, et ordo benedictionis mense per*

Y 3

per

per totum annum. Codicem pulcherrimum in Italia scriptum cum e penicilli gratia, tum e *Calendario* colligo, ubi mensis *Madius* pro *Majo*. At quando? In Litanis OO. SS. fol. 93. p. 2. oratur pro *Papa Benedicto*, quo nomine toto illo temporis spatio nemo fuit, nisi *Petrus de Luna* Antipapa; is vero jam a. 1424. diem obiit, et sive *Scripturae*, sive *Picturae* indoles *Seculum* provectius loquitur. Itaque censeo, *Librarium* plus manu, quam iudicio valentem e vetustiore Codice omnia *κατα λέξιν* descripsisse.

DCCCLXXXIII.

R. 44 Codex membraneus lat. Sec. XV. Folior. nunc 526. 4. min. per duas columnas nitidissime exaratus, auroque et coloribus speciosus sacrum Chori Officium, vulgo *Breviarium*, continet, et quidem in usum *Familiae Benedictinae*, nam fol. 376. legas: *In festo sanctissimi patris nostri benedicti*. item fol. 342. in Litanis OO. SS. *Sancte pater benedicti*, et in iisdem fol. 343. oratur pro *Praesidente*, videlicet *Congregationis* alicujus, et fol. 236. p. 2. memorantur *Festa particularia monasteriorum nostrae congregationis*, et cum ibi, tum in *Calendario* praevio *Festum S. Justinae* minio scribitur, ut adeo *Congregationem Patavinam* tenere videamur, concludique possit, Codicem istum cum aliis e *Neapolitano S. Severini* Coenobio ad nos delatum fuisse. Quod si vel ipsum Coenobium nosse cupi-

as, pro quo scriptus fuit, *S. Inuentius* s. *Juventius* ad diem 8. *Febr.* et *Translatio S. Syri* ad 17. *Maji Papiam* te deducunt. Continet ille primum *Officium de Tempore*, dein *de Sanctis* speciatim et in communi, demum pro fidelibus *Defunctis*. Verum ante fol. 246. et 346. *Folia* quaedam excidere.

DCCCLXXXIV.

Codex membraneus lat. Sec. R. 2159 XV. Folior. 170. f. max. caractere praegrandi eleganter exaratus, coloribus distinctus, pluribusque Iconismis et marginum ornamentis auro fulgidis et scite picturatis speciosus *Psalmodiam Chori* a *Paschate* ad *Adventum* primum de *Tempore*, dein de *Sanctis* *Notis* musicis illigatam exhibet, et quidem in usum *Carthusianorum*; fol. enim 43. p. 2. *Servator* ipse *Fratri* hujus ordinis *sacram Hostiam* porrigit, et fol. 123. p. 2. *Frater* ejusmodi ad aras facienti *Sacerdoti* ministrat. Itaque Codicem *Carthusiae S. Trinitatis ad Brunnam Morav.* fuisse censeo. *Memorari* merentur et aliae quaedam *Picturae*. Ita fol. 1. p. 2. *Anastasi* *Dominicae* adduntur in margine *Piscis Jonam* reddens, *Samson* leonem jugulans, et *Mel* e faucibus leonis progressum. Ad *Iconem* fol. 43. p. 2. supra adductam dormit in lemnisco *Elias* obvolitante ei pane subcinericio. Fol. 58. p. 2. scire velim, quid portendat *Imperator Caroli M.* habitu d. sceptrum, s. pomum *Imperii*